



XALQ DEPUTATLARI QO'QON SHAHAR KENGASHI Q A R O R I

2022 - yil 30 - sentabr

VI-52-80-11-166-K/22

Qo'qon shahar hokimligi

Жамоатчилик фикри асосида шакллантирилган тадбирларни танлаб олиш ва “Фуқаролар ташаббуси жамғармаси”дан мазкур тадбирларга маблағлар ажратиш тўғрисида

Ўзбекистон Республикаси Президентининг 2021 йил 13 апрелдаги “Бюджет жараёнида фуқароларнинг фаол иштирокини таъминлаш бўйича қўшимча чора-тадбирлар тўғрисида”ги ПҚ–5072-сонли ва Ўзбекистон Республикаси Олий Мажлиси Сенати Кенгашининг 2021 йил 22 апрелдаги КҚ-213-IV-сонли қарорига асосан жамоатчилик фикри асосида шакллантирилган тадбирларни танлаб олиш ва “Фуқаролар ташаббуси жамғармаси”дан мазкур тадбирларга маблағлар ажратиш мақсадида Халқ депутатлари Қўқон шаҳар Кенгаши

ҚАРОР ҚИЛАДИ:

1. Куйидагилар:

Ўзбекистон Республикаси Президентининг 2021 йил 13 апрелдаги “Бюджет жараёнида фуқароларнинг фаол иштирокини таъминлаш бўйича қўшимча чора-тадбирлар тўғрисида”ги ПҚ–5072-сонли ва Ўзбекистон Республикаси Олий Мажлиси Сенати Кенгашининг 2021 йил 22 апрелдаги КҚ-213-IV-сонли қарори асосида жорий йилнинг 15-июлидан 17-сентябрга қадар ўтказилган уч босқичдан иборат жамоатчилик фикри асосида тадбирларни шакллантириш жараёни натижалари бўйича Қўқон шаҳар ҳокимлиги молия бўлими мудирининг ўринбосари М.Расуловнинг ахбороти;

Ўзбекистон Республикаси Олий Мажлиси Сенати Кенгашининг 2022

йил 20 сентябрдаги “Туман (шаҳар) бюджетлари маблағларини жамоатчилик фикри асосида шакллантирилган тадбирларга йўналтириш тартиби тўғрисидаги намунавий низомга ўзгартиш ва қўшимчалар киритиш ҳақида”ги КҚ-406-IV-сонли қарори маълумот учун қабул қилинсин.

2. Ишчи гуруҳ хулосаларига асосан, Халқ депутатлари Қўқон шаҳар Кенгашининг қарори билан тасдиқланган Низом талабларидан келиб чиқиб, энг кўп овоз олган ҳамда “Очиқ бюджет” ахорот порталида автоматик тарзда ғолиб сифатида танлаб олинган таклифлар “ғолиб” деб топилсин.

Ушбу таклифларни молиялаштириш бўйича, “Манзиллий рўйхат” 1-иловага мувофиқ;

Жиҳозлаш тадбирлари бўйича товар (хизматлар) реестри 2-иловага мувофиқ тасдиқлансин ҳамда ижро учун қабул қилинсин.

Бунда,

- Жамоатчилик фикри асосида шакллантирилган тадбирларни амалга ошириш бўйича тузилган шартномага ишлар ҳажмининг кўпайиши ёки лойиҳанинг ўзгартирилиши билан боғлиқ ўзгартиришлар киритилишига йўл қўйилмаслик;

- Жамоатчилик фикри асосида ғолиб деб топилган ИД 1390600040 рақамли “Қўқон шаҳар Навбахор, А.Навоий, Саодат МФЙ ларига магистрал газ тармоғи тортиш” мазмунидаги таклиф 1-мавсумда амалга оширилган ишларнинг давоми ҳисобланганлиги ҳамда ушбу таклиф бўйича шаҳар ободонлаштириш бошқармасида лойиҳа-смета ҳужжатлари ва экспертиза хулосаси мавжудлигини инобатга олиб, таклифда кўтарилган муаммони қисқа фурсатда бартараф этиш ва ортиқча харажатларга йўл қўймаслик мақсадида истисно тариқасида ушбу таклифга буюртмачи сифатида шаҳар ободонлаштириш бошқармаси белгиланиши;

- Жамоатчилик фикри асосида шакллантирилган тадбирларни молиялаштиришга йўналтириладиган шаҳар бюджети маблағлари шаҳар ҳокимлиги қошида очилган “Фуқаролар ташаббуси жамғармаси” шахсий ғазна ҳисобварағида жамланган маблағларни бошқа мақсадларга сарфланиши тақиқланиши белгилаб қўйилсин.

3. Тасдиқланган Манзиллий рўйхат асосида:

- Шаҳар ҳокимлиги Молия бўлими (М.Сангинов) танлаб олинган

тадбирларни молиялаштирилишини таъминлаш мақсадида, буюртмачи ташкилотларига тегишли маблағ манбааси бўйича (4017) “Фуқаролар ташабуси жамғармаси” махсус ҳисоб рақамлари очилишини;

- Шаҳар ҳокимлиги ҳисобхонаси (Р.Қулдашев) жамғарма маблағлари ҳисобидан тегишли буюртмачи ташкилотларга маблағлар йўналтирилишини;

- Буюртмачи ташкилотлар ажратилган маблағларни лойиҳа-смета ҳужжатлари асосида белгиланган тартибда мақсадли ишлатилиши ва амалга оширилган ишлар бўйича Халқ депутатлари Қўқон шаҳар Кенгаши ва Қўқон шаҳар ҳокимлиги ҳузуридаги Ишчи гуруҳга маълумот киритиб борилишини таъминласин.

4. Халқ депутатлари Қўқон шаҳар Кенгашининг 2022 йил 5 февралдаги VI-43-16-11-166-К/22-сонли қарори билан тасдиқланган “Туман (шаҳар) бюджетлари маблағларини жамоатчилик фикри асосида шакллантирилган тадбирларга йўналтириш тартиби тўғрисида”ги низомга 3-иловага мувофиқ ўзгартиш ва қўшимчалар киритилсин.

5. Қўқон шаҳар ҳокимлигининг ахборот хизмати раҳбари-матбуот котиби (У. Норбоев) ва шаҳар молия бўлими (М.Расулов) билан биргаликда жамоатчилик фикри асосида шакллантирилган ва “Ғолиб” деб топилган тадбирларнинг молиялаштириши ҳамда амалга оширилиши лозим ишлар бўйича маълумотларни “Очиқ бюджет” порталига жойлаштирилиши ва кенг жамоатчиликка мунтазам ёритиб борилишини таъминласин.

6. Қўқон шаҳар бюджетининг жамоатчилик фикри асосида шакллантирилган тадбирларни молиялаштиришга йўналтирилган маблағларининг белгиланган мақсадларда ва самарали фойдаланилиши ҳамда маблағларнинг ажратилиши учун тақдим этиладиган барча ҳужжатларнинг ҳаққонийлигига Ишчи комиссия аъзолари шахсан жавобгарлиги эслатиб ўтилсин.

7. Мазкур баён ижросини таъминлаш ва назорат қилиш комиссия аъзолари зиммасига юклатилсин.

Kengash raisi



М.Усмонов

Xalq deputatlari Qo‘qon shahar Kengashining
2022 yil 30 sentabrdagi
VI-52-80-11-166-K/22-son qaroriga
1-ilova

Қўқон шаҳри бўйича "Ташаббусли бюджет" лойиҳасининг 2-мавсуми натижаларига асосан
жамоатчилик фикри асосида шаклланган тадбирларни молиялаштириш бўйича
МАНЗИЛИЙ РЎЙХАТ

№	Ҳолиб тақлиф маълумотлари					Амалга оширишнинг аниқланган қиймати	Ҳақиқатда ажратилган маблағ	Буюртмачи этиб белгиланган ташкilot
	Тақлиф ID рақами	Тақлиф туркуми	Қисқача мазмуни	Тадбирларнинг манзили (Жойлашган МФЙ номи)	Амалга ошириладиган тадбир тури			
			Қўқон шаҳар жами		xxx	11 009	8 020	

1	1390600187	Олий ўқув юртларини таъмирлаш ва моддий-техника базасини ривожлантириш тadbирлари	Тошкент давлат техника университети Қўқон филиали талабалари учун 3Д моделлаштиришга асосланган замонавий компютер хонасига моддий-техник таъминот жуда зарур. 1. 3Д принтер Ултимакер С5 1x125млн; 2. 3Д принтер Снапмакер А350Т 2x30млн; 3. Компютер и7 11700К - 7x18млн; 4. Компютер и9 11900К - 4x20млн; 5. Монитор 27" - 11x4,5млн; 6. Сич+клава+кулокч - 19x0,45млн; 7. Ноутбук - и7 11800Х 8x18млн; 8. Дрон - 1x8млн; 9. Интерактив доска 86" - 2x30млн; 10. Комп стол - 19x1млн; 11. Юмшоқ стул - 19x3млн; 12. Алоқа қурилмалари - 1x15млн; 13. Рангли принтер А3+ - 2x15млн; 14. Рангли лазерли принтер А3 - 1x30млн; 15. Плоттер А0+ - 1x25млн; 16. Кондиционер - 1x10млн; 17. 3Д Сканер - 1x40млн; 18. Диван 2м - 1x3млн; 19. Сув кулери - 1x2млн; 20. Телевизор 4К 55" - 1x7млн; 21. Проектор СП-ЛСП7ТУАХСЕ - 1x50млн; 22. Фотоаппарат Санон ЭОС 6Д Марк лл - 1x25млн; 23. Видеокамера+штатив+держател - 1x35млн; 24. Бошка чикимлар (Смета лойиҳа вхкз учун) - 34,5млн. Ташкил қилинган компютер хонаси орқали филиал талабалари Қўқон шаҳрида ИТ соҳасини ривожлантиради.	Қўқон шаҳри Истиклол МФЙ	Жихозлаш	2327	1 200	1 200	Тошкент давлат техника университети Қўқон филиали
---	------------	---	--	--------------------------	----------	------	-------	-------	---

2	1390600053	Спорт муассасаларини таъмирлаш ва моддий-техника базасини ривожлантириш тадбирлари	Қўқон шаҳар 1-сон спорт мактаби биносини жорий таъмирлаш	Қўқон шаҳри Туркистон МФЙ	Таъмирлаш	830	320	320	Қўқон шаҳар 1-сон спорт мактаби
3	1390600044	Ичимлик суви ва оқава тизимини яхшилаш билан боғлиқ тадбирлар	Қўқон шаҳар Афғонбоғ МФЙ нинг Афғонбоғ ва Бурчилик қўчаларига ичимлик ва оқава сув тармоғи тортиш	Қўқон шаҳри Афғонбоғ МФЙ	Қурилиш	807	300	300	Сув таъмионта ва оқава сув объектлари қурилиши бўйича инженеринг компанияси УК худудий бошқармаси
4	1390600040	Табиий газ таъминоти билан боғлиқ лойиҳалар	Қўқон шаҳар Навбахор, А.Навоий, Саодат МФЙ ларига магистрал газ тармоғи тортиш	Қўқон шаҳри Навбахор МФЙ	Қурилиш	750	1 200	1 200	Қўқон шаҳар ободонлаштириш бошқармаси
5	1390600132	Ободонлаштириш ва кўкаламзорлаштириш (туман ёки шаҳар кийфасини ўзгартириш) билан боғлиқ тадбирлар	Қўқон шаҳар Ёшлар боғи худудини ободонлаштириш	Қўқон шаҳри Ўрмонбоғ МФЙ	Таъмирлаш	743	300	300	Қўқон шаҳар Маданият бўлими
6	1390600059	Ички йўллارни (пиёдалар йўлакчаси, йўл ўтказгичлар) таъмирлаш билан боғлиқ тадбирлар	Қудуклик МФЙ Мингтерак кучаси 1000 метр қисми эни 4 метр, Хужакент 6 тор кучаси 1000 метр эни 4 метр ва Хужакент 7 тор кучаси 1000 метр қисмини эни 4 метр асфалтлаштириш	Қўқон шаҳри Қудуклик МФЙ	Қурилиш	699	1 200	1 200	Фаргона минтақавий йўллارга буюртмачи хизмати ДУК
7	1390600112	Дренаж ва ариқ (зовур) ларни тартибга келтириш билан боғлиқ тадбирлар	Қўқон шаҳар Аччикқўл МФЙ нинг Гулшан кўчасига дренаж ўрнатиш	Қўқон шаҳри Аччик қўл МФЙ	Қурилиш	644	300	300	Қўқон шаҳар ободонлаштириш бошқармаси
8	1390600068	Қонун ҳужжатлари билан белгиланган мезонларга мувофиқ бошқа тадбирлар	Қўқон шаҳар 42-мактаб пиёдалар йўлакчасига светафор ўрнатиш	Қўқон шаҳри Ок олтин МФЙ	Қурилиш	590	70	70	Қўқон шаҳар ободонлаштириш бошқармаси
9	1390600179	Дренаж ва ариқ (зовур) ларни тартибга келтириш билан боғлиқ тадбирлар	Қўқон шаҳар Латофат кучасидан утган ариқ Кипчокарининг Бир тармоғи булиб, Ушбу ариқка 45-боғчада жойлашган дренаж суви ҳам чиқарилган. Ариқ атрофи бетонланмаган. Шу бетонланмаган жойларига бетонлаш еки ирригация лотогини урнатиш зарур	Қўқон шаҳри Давронбек МФЙ	Қурилиш	585	300	300	Сўх охтепа ирригация тизим бошқармаси

10	1390600065	Ички йўллари (пиёдалар йўлакчаси, йўл ўтказгичлар) таъмирлаш билан боғлиқ тадбирлар	Қўқон шаҳар Ачиккўл МФЙ га қарашли Боғдод, Ок йўл тор тупик кўчаларини асфалт қилиш Ачиккўл мавзесига пиёдалар йўлакчаси қилиш 6200 м2	Қўқон шаҳри Ачиккўл МФЙ	Қурилиш	580	500	500	Фаргона минтақавий йўлларга буюртмачи хизмати ДУК
11	1390600127	Қонун хужжатлари билан белгиланган мезонларга мувофиқ бошқа тадбирлар	Қўқон шаҳар Нонвойликгузар МФЙ А.Исломов кучасига 3 мактаб олдига светофор урнатиш	Қўқон шаҳри Нонвойлик гузари МФЙ	Қурилиш	526	80	80	Қўқон шаҳар ободонлаштириш бошқармаси
12	1390600098	Аҳоли дам олиш масканларини таъмирлаш ёки моддий-техник базасини ривожлантириш билан боғлиқ тадбирлар	Қўқон шаҳрида жойлашган ўрда майдонининг сугориш тизимини таъмирлаш, чиқинди яшиқлари ўрнатиш, аҳоли дам олиши учун ўриндиқлар сотиб олиш	Қўқон шаҳри Яланғоч ота МФЙ	Қурилиш	524	450	450	Қўқон шаҳар ободонлаштириш бошқармаси
13	1390600184	Маҳалла гузари (маҳаллада умумфойдаланишда бўлган бошқа объектлар) ни таъмирлаш-тиклаш билан боғлиқ харажатлар	Қўқон шаҳар Ғишткўприк МФЙ нинг худудига маҳалла гузари қуриш	Қўқон шаҳри Ғишткўприк МФЙ	Қурилиш	494	500	500	Ягона буюртмачи инженеринг компанияси (ГУКС)
14	1390600058	Маҳалла гузари (маҳаллада умумфойдаланишда бўлган бошқа объектлар) ни таъмирлаш-тиклаш билан боғлиқ харажатлар	Қўқон шаҳар Исломобод МФЙ биносини жорий таъмирлаш	Қўқон шаҳри Исломобод МФЙ	Таъмирлаш	456	100	100	Қўқон шаҳар маҳалла ва нурунийларни қўллаб қувватлаш бўлими
15	1390600012	Ички йўллари (пиёдалар йўлакчаси, йўл ўтказгичлар) таъмирлаш билан боғлиқ тадбирлар	Қўқон шаҳар Ок олтин МФЙ ички кўчаларини асфальтлаштириш 1. Сарқор 700м 2. Қушбеги 200м 3. Оби раҳмат 1000м 4. Оқибат 1,2 тор 700м 5. Шикоргоҳ 1,2,3,4 тор 900м 6. Меҳржон 200м 7. Туйхона 800м Жами 4500 метр	Қўқон шаҳри Ок олтин МФЙ	Қурилиш	454	1 200	1 200	Фаргона минтақавий йўлларга буюртмачи хизмати ДУК

Xalq deputatlari Qo'qon shahar Kengashining
2022 yil 30 sentabrdagi
VI-52-80-11-166-K/22-son qaroriga
2-ilova

Қўқон шаҳар бўйича ўтказилган ташаббусли бюджет жараёни якунларига кўра ғолиб бўлган
ID1390600187 лойиҳани амалга ошириш бўйича харид қилинадиган товар (хизматлар)

Реестри

Минг сўмда

Т/Р	Товар (хизмат) номи	сони	Бозор нархи	Суммаси
1	3D принтер (Snapmaker A350T)	2	34 500	69 000
2	Компютер (i7 11700 K)	2	20 700	41 400
3	Компютер (i9 11900 K)	2	23 000	46 000
4	Монитор (27")	4	5 175	20 700
5	Сичқонча+Клавиатура+қулоқчин	6	515	3 090
6	Ноутбук(i711800)	2	20 700	41 400
7	Интерактивний доска	1	42 550	42 550
8	Компютер столи	40	1 150	46 000
9	Юмшоқ стул	19	3 450	65 550
10	Рангли лазер принтер (A3)	1	34 500	34 500
11	Плоттер (A0)	1	28 750	28 750
12	Кондиционер	2	15 500	31 000
13	Диван	1	3 910	3 910
14	Куллер	1	2 400	2 400
15	Проектор	12	5 750	69 000

16	Фото аппарат (Canon EOS6D)	1	22 750	22 750
17	Видеокамера	1	35 000	35 000
18	Компютер (hp Core i5-8400)	8	19 500	156 000
19	Компютер (hp Core i5)	20	12 200	244 000
20	Компютер (hp Core i3)	20	9 100	182 000
21	Овоз кучайтиргич	1	15 000	15 000
Жами				1 200 000

Xalq deputatlari Qo‘qon shahar Kengashining
2022 yil 30 sentabrdagi
VI-52-80-11-166-K/22-son qaroriga
3-ilova

Қўқон шаҳар бюджетлари маблағларини жамоатчилик фикри асосида шакллантирилган тадбирларга йўналтириш тартиби тўғрисидаги низомга киритилаётган ўзгартиш ва қўшимчалар

Халқ депутатлари Қўқон шаҳар Кенгашининг 2022 йил 5 февралдаги VI-43-16-11-166-K/22-сонли Қарори билан тасдиқланган Қўқон шаҳар бюджети маблағларини жамоатчилик фикри асосида шакллантирилган тадбирларга йўналтириш тартиби тўғрисидаги низомга қуйидаги ўзгартиш ва қўшимчалар киритилсин:

1) 1-банд қуйидаги таҳрирда баён этилсин:

“Мазкур низом шаҳар бюджети маблағларини жамоатчилик фикри асосида шакллантирилган тадбирларга йўналтириш, шунингдек, “Очиқ бюджет” портали орқали жамоатчилик фикри асосида шакллантирилган тадбирларни молиялаштириш тартибини белгилайди”;

2) 2-банд қуйидаги таҳрирда баён этилсин:

“**жамоатчилик фикри**– ушбу Низомда белгиланган тартибда фуқаролар томонидан шаҳарда мавжуд ижтимоий аҳамиятга эга муаммоларни ҳал этишга қаратилган ишларни (хизматларни) мазкур ҳудуд маҳаллий бюджети маблағлари ҳисобидан молиялаштириш бўйича билдирилган таклифлар;

ташаббусли бюджет жараёни– “Очиқ бюджет” ахборот порталида (кейинги ўринларда – Портал) жамоатчилик фикри асосида тадбирларни шакллантириш, уларни саралаш ва овоз бериш жараёни доирасида ғолиб лойиҳаларни аниқлаш ҳамда туман ва шаҳар бюджетлари маблағлари ҳисобидан молиялаштиришни ўз ичига олган жараён;

ғолиб лойиҳа – Порталда овоз бериш жараёни якунларига кўра тўпланган овозлар сони асосида автоматик

тарзда танлаб олинган лойиҳа;

фуқаролар ташаббуси жамғармаси–Қўқон шаҳар ҳокимлигида бюджет ташкилотларининг бюджетдан ташқари жамғармалари шаклида очилган шахсий ғазна ҳисобварағи;

лойиҳаларни амалга ошириш хронологияси– ташаббусли бюджет жараёни доирасида ғолиб деб топилган лойиҳаларни амалга оширишнинг барча босқичларини Портал орқали бевосита фуқароларга кузатиб бориш имкониятини берувчи махсус бўлим;

ишчи комиссия – жамоатчилик фикри асосида шакллантирилган тадбирларни баҳолаш, танлаб олиш ҳамда ижросини мониторинг қилиш бўйича Қўқон шаҳар ҳокимлиги қошида ташкил этилган комиссия;

онлайн мурожаат– Порталда фуқаролар томонидан савол, шикоят, таклиф ёки қонун бузилиш ҳолатлари юзасидан хабар қолдириш имкониятини берувчи махсус саҳифа”;

3) қуйидаги мазмундаги 2¹, 2², 2³, 2⁴ ва 25-боблар билан тўлдирилсин:

**“21-боб. “Очиқ бюджет” ахборот портали орқали жамоатчилик
фикри шакллантирилган тадбирларни молиялаштириш тартиби**

32⁴. Фуқаролар ташаббуси жамғармаси (кейинги ўринларда – Жамғарма) маблағлари фақат Портал орқали ғолиб деб топилган лойиҳаларни молиялаштириш учун сарфланади. Бунда лойиҳада назарда тутилган тадбирлардан ташқари ушбу тадбирларни амалга ошириш бўйича расмийлаштирилиши лозим бўлган ҳужжатлар (тегишли ташкилотларнинг хулосалари, якуний кўрикдан ўтказиш харажатлари ва бошқалар) учун ҳам тўловлар молиялаштирилишига йўл қўйилади.

32⁵. Жамғарма маблағларидан фойдаланиш тегишли халқ депутатлари Қўқон шаҳар Кенгашлари қарори асосида амалга оширилади.

32⁶. Лойиҳаларни кўриб чиқиш ва амалга ошириш бўйича буюртмачи ташкилотлар мазкур низомнинг 5-иловасига мувофиқ тарзда белгиланади.

32⁷. Ташаббусли бюджет жараёни доирасида фуқаролар томонидан келиб тушган лойиҳалар Ишчи комиссия томонидан Порталга келиб тушган кундан бошлаб 10 кун ичида мазкур Низомнинг 5-иловасига мувофиқ лойиҳанинг мазмунан тегишлилиги бўйича буюртмачи корхоналарга (кейинги ўринларда – буюртмачи) юборилади.

32⁸. Буюртмачилар томонидан лойиҳалар қабул қилинган кундан бошлаб 10 иш кунида қонун ҳужжатларида белгиланган мезонларга мувофиқлиги юзасидан лойиҳаларни кўриб чиқади ва Ишчи комиссияга лойиҳаларни қабул қилиш (лойиҳанинг қиймати ва амалга ошириш учун талаб этиладиган қўшимча ҳужжатлар рўйхатини илова қилган ҳолда) ёки асослангилган ҳолда рад этиш юзасидан хулоса тақдим этади.

32⁹. Ишчи комиссия лойиҳаларни буюртмачилар томонидан тақдим этилган хулосалар асосида овоз бериш босқичига ўтказади.

32¹⁰. Овоз бериш босқичи яқунларига кўра лойиҳаларга тўпланган овозлар сонидан келиб чиқиб, Портал томонидан автоматик тарзда “ғолиб” лойиҳалар рўйхати шаклланади.

32¹¹. Ташаббусли бюджет жараёни доирасида овоз бериш босқичи яқунлангандан сўнг 7 кун муддатда “ғолиб” деб топилган лойиҳаларни молиялаштириш юзасидан Ишчи комиссия томонидан халқ депутатлари Қўқон шаҳар Кенгашига қарор лойиҳаси киритилади.

32¹². Қарор лойиҳасига ғолиб деб топилган лойиҳаларни молиялаштириш юзасидан “Манзилли рўйхат” илова қилинади. Манзилли рўйхат қуйидагиларни ўз ичига олади:

- голиб деб топилган лойиҳанинг Порталдаги хос “ID” рақами;
- амалга ошириладиган тадбирларнинг аниқ манзили ёки балансда сақловчи корхонанинг манзили ва номи;
- лойиҳада назарда тутилган амалга оширилиши лозим бўлган тадбирларнинг қисқача мазмуни;
- тадбирни амалга ошириш учун талаб этиладиган дастлабки маблағ қиймати;
- лойиҳани амалга ошириш учун буюртмачи этиб белгиланган корхона;
- лойиҳани амалга ошириш учун талаб этиладиган қўшимча ҳужжатлар (биноларни қуриш учун экспертиза ҳужжатлари, ҳокимнинг ер ажратиш тўғрисидаги тегишли қарори, лойиҳа-смета ҳужжатлари ва бошқалар);
- агар тадбир бевосита товар ва моддий қийматликлар (хизматлар)ни харид қилиш билан боғлиқ бўлса, ушбу лойиҳалар бўйича мазкур низомнинг 6-иловасига мувофиқ шаклда харид қилинадиган товар (хизматлар) реестри (кейинги ўринларда – Реестр) илова қилинади. Бунда реестрда кўзда тутилган харидларнингжами суммаси Манзилли рўйхатда тегишли лойиҳани молиялаштириш учун кўзда тутилган маблағдан ортиб кетишига йўл қўйилмайди;
- харид қилиш тартиб-таомили тури (электрон дўкон, бошланғич нархни пасайтириш учун ўтказиладиган аукцион, энг яхши таклифларни танлаш, тендер ва бошқалар).

32¹³. Манзилли рўйхат белгиланган тартибда расмийлаштирилиши, жумладан, буюртмачи ташкилотлар тўғри танланиши, Реестр тўғри шакллантирилиши, харид қилиш тартиб-таомили тури ва лойиҳани амалга ошириш аниқ манзили каби маълумотлар тўғри кўрсатилиши учун Ишчи комиссия масъул ҳисобланади.

32¹⁴. Голиб деб топилган лойиҳаларни амалга ошириш учун ер ва бошқа ресурслар ажратилиши, шунингдек, тегишли соҳа инспекцияларининг экспертиза хулосалари талаб этилган ҳолларда, ушбу ресурсларни ажратиш бўйича қарор қабул қилиш ваколатига эга ташкилотларга Манзилли рўйхат тасдиқлангандан сўнг 1 иш кунида шаҳар ҳокимлиги томонидан сўров юборилади.

32¹⁵. Халқ депутатлари Қўқон шаҳар Кенгаши томонидан қарор ва манзилли рўйхат тасдиқланганидан сўнг Қўқон шаҳар молия бўлими томонидан ғолиб деб топилган лойиҳаларни молиялаштириш учун буюртмачи ташкилотларга ҳар бир лойиҳа учун алоҳида Молия вазирлиги Ғазначилигида маблағлар манбаси “Фуқаролар ташаббуси жамғармаси” бўлган шахсий ғазна ҳисобварақлари очилади.

32¹⁶. Очилган шахсий ғазна ҳисоб варақларига 3 иш куни ичида Жамғарма ҳисобидан Қўқон шаҳар ҳокимлиги томонидан ғолиб деб топилган лойиҳалар учун Манзилли рўйхатда назарда тутилган маблағлар ўтказиб берилади.

32¹⁷. Манзилли рўйхатда назарда тутилган маблағлар тегишли шахсий ғазна ҳисобварақларига ўтказиб берилгандан сўнг буюртмачи ташкилотлар 3 иш кунда товар-моддий бойликлар (ишлар ва хизматлар) харид қилиш учун таъминотчи корхоналарни аниқлаш, қурилиш-таъмирлаш билан боғлиқ тадбирлар бўйича лойиҳа-смета ҳужжатларини шакллантириш ва лойиҳачи корхоналарни аниқлаш бўйича давлат харидлари электрон тизимига эълон жойлаштиради.

32¹⁸. Қурилиш ва таъмирлаш билан боғлиқ тадбирлар юзасидан лойиҳа-смета ҳужжатларига экспертиза ҳулосаси олинган кундан бошлаб 1 иш кунда буюртмачи ташкилотлар Манзилли рўйхатда кўрсатилган харид қилиш тартиб-таомили тури бўйича пудратчи корхоналарни аниқлаш чораларини кўради.

32¹⁹. Ғолиб лойиҳалар амалга ошириш шакллари кўра қуйидаги турларга бўлинади:

- товар-моддий бойликлар (хизматлар) харид қилиш бўйича тадбирлар;
- бино ва иншоотларни жорий ёки капитал таъмирлаш (реконструкция қилиш) бўйича тадбирлар;
- бино ва иншоотлар қуриш (барпо этиш) бўйича тадбирлар.

22-боб. Товар-моддийбойликлар (хизматлар) харид қилиш бўйича тадбирларни молиялаштириш

32²⁰. Товар-моддий бойликлар (хизматлар) харид қилиш бўйича тадбирларни амалга оширишда буюртмачи ташкилот давлат харидлари тўғрисидаги қонун ҳужжатларига мувофиқ моддий қийматликлар (хизматлар)ни етказиб берувчи ёки пудратчиларни аниқлаш:

- электрон дўкон орқали;

- бошланғич нархни пасайтириш учун ўтказиладиган аукцион орқали;

- энг яхши таклифларни танлаш орқали;

- қонун ҳужжатларида белгиланган тартибда тўғридан-тўғри шартномалар тузиш орқали давлат харидларини амалга оширади.

32²¹. Товар-моддий бойликлар (хизматлар) харид қилиш 3220-бандда келтирилган харид қилиш тартиб-таомили тури орқали тартиб ва муддатларда амалга оширилади.

32²². Ажратилган маблағлар фақат Манзилли рўйхатга илова қилинган Реестрда назарда тутилган товар-моддий қийматликлар (хизматлар)ни харид қилиш учун сарфланади. Бунда реестрга киритилган товар-моддий бойликлар (хизматлар) тури ўзгартирилишига ёки сони оширилишига йўл қўйилмайди.

32²³. Харид қилиниши назарда тутилган товар-моддий қийматликларни ҳақиқий бозор нархи ёлиб деб топилган лойиҳа учун назарда тутилган маблағдан ортиқ бўлса, ушбу ҳолатда Реестрнинг жами суммасига аниқлик киритилиши мумкин. Бундай ҳолларда етишмаган маблағлар Жамғарма ҳисобидан ажратилиши учун Манзилли рўйхатга тегишли ўзгартиришлар киритиш юзасидан халқ депутатлари Қўқон шаҳар Кенгаши қарори қабул қилиниши лозим.

32²⁴. Харид қилинган товар-моддий қийматликлар буюртмачи ташкилот балансига кирим қилинади ва

белгиланган тартибда бухгалтерия ҳисоботларида акс эттирилади.

32²⁵. Буюртмачи ташкилот харид қилинган товар-моддий қийматликларни сақлаб туриш билан боғлиқ харажатларни молиялаштириш юзасидан келгуси молия йили учун бюджет сўровида тегишли маблағлар кўзда тутилишини таъминлайди.

32²⁶. Умумфойдаланишда бўлган табиий ресурслар билан таъминлаш воситалари (трансформатор, қувурлар, узеллар ва бошқа табиий ресурсларни етказиб беришда қўлланиладиган воситалар)дан фойдаланишда буюртмачи ташкилот мазкур воситаларни ўз балансига кирим қилади ҳамда томонлар ўртасида келишув асосида тегишли эксплуатация корхоналарига фойдаланиш учун беради.

23-боб. Бино ва иншоотларни жорий ёки капитал таъмирлаш (реконструкция қилиш) бўйича тадбирларни амалга ошириш

32²⁷. Мавжуд бино ва иншоотларни жорий ёки капитал таъмирлаш (кейинги ўринларда – таъмирлаш) бўйича тадбирлар буюртмачи ташкилот томонидан “Давлат харидлари тўғрисида”ги Қонунга мувофиқ:

а) таъмирлаш ишларини амалга ошириш учун Манзилли рўйхатда кўрсатилган қўшимча талаб этиладиган ҳужжатларни:

- электрон дўкон орқали;
- энг яхши таклифларни танлаш орқали;
- ягона етказиб берувчилар билан тўғридан-тўғри шаклда;

б) таъмирлаш ишларини амалга оширувчи пудратчи ташкилотларни:

- энг яхши таклифларни танлаш орқали амалга оширади.

32²⁸. Таъмирлаш ишларини амалга ошириш ҳамда тегишли ҳужжатларни расмийлаштириш учун пудратчиларни аниқлаш 32²⁷-бандда келтирилган усуллардан бири орқали қонун ҳужжатларида белгиланган тартиб ва муддатларда амалга оширилади.

32²⁹. Ажратилган маблағлар фақат Манзилли рўйхатда назарда тутилган тадбирларни амалга ошириш ва ушбу тадбирларни бажариш учун қўшимча талаб этиладиган ҳужжатларни расмийлаштириш харажатларига сарфланиши мумкин. Бунда Манзилли рўйхатда кўрсатилган таъмирлаш ишлари ҳажмининг оширилишига йўл қўйилмайди.

32³⁰. Таъмирлаш ишларининг ҳақиқий бозор нархи Манзилли рўйхатда назарда тутилган маблағдан ортиқ бўлса, экспертизадан ўтказилган лойиҳа-смета ҳужжатлари ҳамда буюртмачи корxonанинг хулосасига асосан лойиҳанинг амалга ошириш якуний қийматига аниқлик киритилиши мумкин. Бундай ҳолларда қўшимча талаб этиладиган маблағлар Жамғарма ҳисобидан ажратилиши учун Манзилли рўйхатга тегишли ўзгартиришлар киритиш юзасидан халқ депутатлари Қўқон шаҳар Кенгаши қарори қабул қилиниши лозим.

32³¹. Таъмирлаш ишлари учун буюртмачи этиб, қоида тариқасида, балансда сақловчи ёки бюджет маблағи тақсимловчи белгиланади. Агар лойиҳанинг амалга ошириш қиймати базавий ҳисоблаш миқдорининг 1000 баробаридан ортиқ бўлса (ички йўлларни таъмирлаш бундан мустасно), буюртмачи этиб вилоят ҳокимлиги ҳузуридаги “Ягона буюртмачи хизмати” ИК ДУКбуюртмачи этиб белгиланиши мумкин.

32³². Буюртмачи корхона этиб ягона буюртмачи корxonалар белгиланганда ушбу корхона учун Қўқон шаҳар даражасида махсус ғазна ҳисоб варақлари очилиб, “Фуқаролар ташаббуси жамғармаси”дан ғолиб лойиҳани амалга ошириш учун кўзда тутилган маблағлар ўтказиб берилади.

32³³. Таъмирлаш ишларини амалга ошириш учун ягона буюртмачи корхона ва балансда сақловчи ўртасида битим имзоланади. Битимда лойиҳани амалга ошириш қиймати, амалга ошириладиган ишлар, қабул қилиб олиш

муддати ва бошқа техник кўрсаткичлар акс эттирилади.

32³⁴. Ягона буюртмачи корхоналар томонидан лойиҳани амалга ошириш учун қонун ҳужжатларида белгиланган тартибда пудратчи корхоналар билан шартномалар расмийлаштирилади.

32³⁵. Таъмирлаш ишлари яқунлангандан сўнг таъмирланган объект амалга оширилган ишлар юзасидан тегишли ҳужжат ва хулосалар билан бирга балансда сақловчига топширилади.

32³⁶. Таъмирлаш ишларисифатли ва ўз вақтида амалга оширилиши учун жавобгарлик буюртмачи ташкилот зиммасига юклатилади.

24-боб. Бино ва иншоотлар қуриш (барпо этиш) билан боғлиқ тадбирлар

32³⁷. Жамоатчилик эҳтиёжи учун фуқароларни ижтимоий қўллаб-қувватлашга хизмат қиладиган объектлар, шу жумладан, бино ва иншоотларни қуришда (кейинги ўринларда – қурилиш ишлари) буюртмачи этиб:

- қурилиш ишларининг амалга ошириш қиймати базавий ҳисоблаш миқдорининг 1000 бараваригача бўлса, балансда сақловчи корхона томонидан (кейинчалик объектни қабул қилиб олишда тегишли мутахассисларни ёллаган ҳолда уларнинг хулосасини олиш шarti билан);

- қурилиш ишларининг амалга ошириш қиймати базавий ҳисоблаш миқдорининг 1000 бараваридан ортиқ бўлса, ягона етказиб берувчи корхоналар белгиланади.

32³⁸. Балансда сақловчилар буюртмачи сифатида қуриш ишларини амалга оширишда:

а) қурилиш ишларини амалга ошириш учун Манзилли рўйхатда кўрсатилган қўшимча талаб этиладиган ҳужжатларни:

- электрон дўкон орқали;

- аукцион орқали;
- энг яхши таклиф ларни танлаш орқали;
- ягона етказиб берувчилар билан тўғридан-тўғри шаклда;

б) қурилиш ишларини амалга оширувчи пудратчи ташкилотларни:

- энг яхши таклифларни танлаш орқали;
- тендер орқали аниқлаган ҳолда амалга оширади.

32³⁹. Ажратилган маблағлар фақат Манзилли рўйхатда назарда тутилган қурилиш ишларини амалга ошириш ва ушбу тадбирларни бажариш учун қўшимча талаб этиладиган ҳужжатларни расмийлаштириш харажатларига сарфланиши мумкин. Бунда Манзилли рўйхатда кўрсатилган қурилиш ишлари ҳажми оширилишига йўл қўйилмайди.

32⁴⁰. Балансда сақловчилар сифатида буюртмачи белгиланиб ишлар амалга оширилганда қурилиш ишлари яқунларига кўра бажарилган ишларни белгиланган техник мезонларга мувофиқлиги юзасидан мутахассислар жалб этилган ҳолда объектлар қабул қилиб олинishi ва фойдаланишга топширилиши лозим.

32⁴¹. Қурилиш ишларининг ҳақиқий бозор нархи Манзилли рўйхатда назарда тутилган маблағдан ортиқ бўлса, экспертизадан ўтказилган лойиҳа-смета ҳужжатлари ҳамда буюртмачининг хулосасига асосан қурилиш ишларининг яқуний қийматига аниқлик киритилиши мумкин. Бундай ҳолларда етишмаган маблағлар Жамғарма ҳисобида ажратилиши учун Манзилли рўйхатга тегишли ўзгартиришлар киритиш юзасидан халқ депутатлари туман Қўқон шаҳар Кенгаши қарори қабул қилиниши лозим.

32⁴². Буюртмачи корхона этиб ягона буюртмачи корхоналар белгиланганда ушбу корхона учун тегишли шаҳар даражасида махсус ғазна ҳисобварақлари очилиб, “Фуқаролар ташаббуси жамғармаси”дан ғолиб лойиҳани амалга ошириш учун кўзда тутилган маблағлар ўтказиб берилади.

32⁴³. Қурилиш ишларини амалга ошириш учун ягона буюртмачи корхона ва балансда сақловчи ўртасида битим имзоланади. Битимда лойиҳани амалга ошириш қиймати, амалга ошириладиган ишлар, қабул қилиб олиш муддати ва бошқа техник кўрсаткичлар акс эттирилади.

32⁴⁴. Ягона буюртмачи корхоналар томонидан лойиҳани амалга ошириш учун қонун ҳужжатларида белгиланган тартибда пудратчи корхоналар билан шартномалар расмийлаштирилади.

32⁴⁵. Қурилиш ишлари якунлангандан сўнг Ягона буюртмачи корхона томонидан янги қурилган объектлар тегишли ҳужжат ва фойдаланишга лойиқ эканлиги юзасидан техник хулосалар билан бирга балансда сақловчига топширилади.

32⁴⁶. Қурилиш ишларисифатли ва ўз вақтида амалга оширилиши учун жавобгарлик буюртмачи ташкилот зиммасига юклатилади.

25-боб. Лойиҳаларни амалга оширишда жамоатчили назоратининг ўрнатилиши

32⁴⁷. Қўқон шаҳар ҳокимликлари қошида ташкил этилган Ишчи комиссия томонидан ташаббусли бюджет жараёнлари ижроси юзасидан ҳар чорак якунларига кўра ҳисоботлар ҳокимликнинг расмий веб-сайти ҳамда Портал орқали жамоатчиликка эълон қилиб борилади.

32⁴⁸. Голиб деб топилган лойиҳаларни амалга оширишнинг барча босқичлари фуқаролар учун очиклигини ва улар томонидан жамоатчилик назорати ўрнатилишини таъминлаш мақсадида Порталда “лойиҳаларни амалга ошириш хронологияси” юритиб борилади.

32⁴⁹. Ишчи комиссия лойиҳаларни амалга ошириш хронологиясида тегишли маълумотлар белгиланган муддатларда киритилишига ва янгилаб борилишига масъул ҳисобланади.

32⁵⁰. Лойиҳаларни амалга ошириш хронологияси қуйидаги маълумотларни ўз ичига олади:

- буюртмачи ташкилот номи;
- лойиҳа учун очилган ҳисобварақ;
- лойиҳа учун ажратилган маблағ миқдори;
- лойиҳа-смета ва экспертиза ҳужжатлари;
- “Давлат харидлари тўғрисида”ги Қонунга мувофиқ ўтказилган танловлар;
- пудратчи корхона тўғрисида маълумотлар;
- амалга оширилган харажатлар ва расмийлаштирилган шартномалар.

32⁵¹. Ғолиб деб топилган лойиҳалар муаллифлари томонидан тадбирларни амалга оширишнинг барча босқичларини кузатиш ҳамда бажарилган ишларни реал-вақт кўринишида баҳолаб бориш имкониятига эга бўлади. Бунда жамоатчилик назорати доирасида фуқаролар тадбирларни кузатиб бориш орқали қонун бузилиши ҳолатлари ёки камчиликлар кузатилганда шикоят тарзида ваколатли органларга ёки Портал орқали “онлайн мурожаат” саҳифасига мурожаат қилишлари мумкин.

32⁵². Ғолиб деб топилган лойиҳа ташаббускорлари томонидан лойиҳани амалга оширишда бошқа кўринишдаги аралашувларга (пудратчи корхонани аниқлаш ёки ишларни уларнинг ўзлари томонидан амалга ошириш, лойиҳа-смета ҳужжатларини ишлаб чиқиш ва шу кабиларга) йўл қўйилмайди.

32⁵³. Лойиҳалар амалга оширилгандан сўнг ғолиб деб топилган лойиҳалар ташаббускорлари томонидан амалга оширилган ишлар Порталда “Жамоатчилик назорати” бўлими орқали баҳоланади ва бажарилган ишлар юзасидан камчиликлар кузатилганда изоҳлар билдириш ҳамда фото ёки видео материаллар илова қилиш имконияти яратилади.

32⁵⁴. Лойиҳаларни амалга ошириш давомида ёки ишлар якунлангандан сўнг бажарилган ишлар натижаларига кўра ортиқча тўловлар ёки камомад аниқланган ҳолларда, аниқланган камомад маблағлари тегишлилиги бўйича жамғармага тўлиқ қайта тикланиши таъминланади”;

4) 5 ва 6-иловалар билан тўлдирилсин.

*Кўқон шаҳар бюджетни маблағларини
жамоатчилик фикри асосида
шакллантирилган тадбирларга йўналтириш
тартиби тўғрисидаги низомга
5-илова*

Ташаббусли бюджет жараёни якунларига кўра ғолиб бўлган лойиҳаларни амалга ошириш бўйича буюртмачи ташкилотлар рўйхати

Т/Р	Лойиҳанинг қисқача номи	Балансда сақловчи	Буюртмачи корхона		
			харид тадбирлари	таъмирлаш тадбирлари*	қуриш тадбирлари*
1	Автомобиль йўлларини (пидедалар йўлакчаси, йўл ўтказгичлар) таъмирлаш билан боғлиқ тадбирлар	шаҳар ободонлаштириш бошқармаси	X	шаҳар ободонлаштириш бошқармаси/ Минтақавий йўлларга буюртмачи хизмати ДУК	шаҳар ободонлаштириш бошқармаси/ Минтақавий йўлларга буюртмачи хизмати ДУК
		Умумфойдаланишдаги йўллар	X	Минтақавий йўлларга буюртмачи хизмати ДУК	Минтақавий йўлларга буюртмачи хизмати ДУК
2	Мактабгача таълим ташкилотларини таъмирлаш ва моддий-техника базасини ривожлантириш тадбирлари	Мактабгача таълим бўлими	Мактабгача таълим бўлими	Мактабгача таълим бўлими/ягона буюртмачи корхона	Мактабгача таълим бўлими/ягона буюртмачи корхона
3	Кўча чироқларини ўрнатиш ёки таъмирлаш (симёғоч ўрнатиш) тадбирлари	шаҳар ободонлаштириш бошқармаси	шаҳар ободонлаштириш бошқармаси	шаҳар ободонлаштириш бошқармаси	шаҳар ободонлаштириш бошқармаси
4	Умумтаълим мактабларини таъмирлаш ва моддий-техника базасини ривожлантириш тадбирлари	Халқ таълими бўлими	Халқ таълими бўлими	Халқ таълими бўлими/ягона буюртмачи корхона	Халқ таълими бўлими/ягона буюртмачи корхона
5	Болалар майдончаларини (ўйингоҳларини) барпо этиш ёки таъмирлаш билан боғлиқ тадбирлар	Маҳалла фуқаролар йиғини	Маҳалла ва нуронийларни қўллаб қуватлаш бўлими	Маҳалла ва нуронийларни қўллаб қуватлаш бўлими /ягона буюртмачи корхона	Маҳалла ва нуронийларни қўллаб қуватлаш бўлими /ягона буюртмачи корхона
		Қўп қаватли уйларга хизмат кўрсатиш ширкатлари	Ҳокимлик	Ҳокимлик/ягона буюртмачи корхона	Ҳокимлик/ягона буюртмачи корхона

T/P	Лойиҳанинг қисқача номи	Балансда сақловчи	Буюртмачи корхона		
			харид тадбирлари	таъмирлаш тадбирлари*	қуриш тадбирлари*
6	Кўп қаватли уйларни таъмирлаш тадбирлари	Кўп қаватли уйларга хизмат кўрсатиш ширкатлари	X	Ҳокимлик	Ҳокимлик/ягона буюртмачи корхона
7	Спорт муассасалари ёки соғломлаштириш марказларини таъмирлаш ва моддий-техника базасини ривожлантириш	Барча ҳолларда	Спортни ривожлантириш бўлими	Спортни ривожлантириш бўлими	Спортни ривожлантириш бўлими
8	Соғлиқни сақлаш муассасаларини таъмирлаш ва моддий-техника базасини ривожлантириш тадбирлари	Тиббиёт бирлашмаси	Тиббиёт бирлашмаси	Тиббиёт бирлашмаси/ягона буюртмачи корхона	Тиббиёт бирлашмаси/ягона буюртмачи корхона
9	Маҳалла гузари (маҳаллада умумфойдаланишда бўлган бошқа объектлар)ни таъмирлаш-тиклаш билан боғлиқ харажатлар	Маҳалла ва нуронийларни қўллаб-қувватлаш бўлими	Маҳалла ва нуронийларни қўллаб-қувватлаш бўлими	Маҳалла ва нуронийларни қўллаб-қувватлаш бўлими/ягона буюртмачи корхона	Маҳалла ва нуронийларни қўллаб-қувватлаш бўлими/ягона буюртмачи корхона
10	Дренаж ва ариқ (зовур)ларни тартибга келтириш билан боғлиқ тадбирлар	Ирригация бўлими	X	Ирригация бўлими	Ирригация бўлими
11	Ободонлаштириш ва кўкаламзорлаштириш (туман ёки шаҳар қиёфасини ўзгартириш) билан боғлиқ тадбирлар	Ободонлаштириш бошқармаси	Ободонлаштириш бошқармаси	Ободонлаштириш бошқармаси	Ободонлаштириш бошқармаси
12	Қабристонларни тартибга келтириш тадбирлари	Ободонлаштириш бошқармаси	Ободонлаштириш бошқармаси	Ободонлаштириш бошқармаси	Ободонлаштириш бошқармаси
13	Аҳоли дам олиш масканларини таъмирлаш ёки моддий-техник базасини ривожлантириш билан боғлиқ тадбирлар	Барча ҳолларда	Балансда сақловчи бюджет ташкилоти	Балансда сақловчи бюджет ташкилоти/ягона буюртмачи корхона	Балансда сақловчи бюджет ташкилоти/ягона буюртмачи корхона
14	Табиий газ таъминоти билан боғлиқ лойиҳалар	Шаҳар газ таъминоти	X	шаҳар ҳокимлиги/ягона буюртмачи корхона	шаҳар ҳокимлиги/ягона буюртмачи корхона
15	Электр таъминоти, трансформатор ўрнатиш ва таъмирлаш тадбирлари	Худудий электр тармоқлари корхонаси	шаҳар ҳокимлиги	шаҳар ҳокимлиги/ягона буюртмачи корхона	шаҳар ҳокимлиги/ягона буюртмачи корхона
16	Ичимлик суви ва оқава сув тизимини яхшилаш билан боғлиқ тадбирлар	Сув таъминоти корхонаси	X	шаҳар ҳокимлиги/Сув таъмионта ва оқава сув объектлари қурилиши бўйича инженеринг компанияси УК худудий бошқармалари	шаҳар ҳокимлиги/Сув таъмионта ва оқава сув объектлари қурилиши бўйича инженеринг компанияси УК худудий бошқармалари

Т/Р	Лойиҳанинг қисқача номи	Балансда сақловчи	Буюртмачи корхона		
			харид тадбирлари	таъмирлаш тадбирлари*	қуриш тадбирлари*
17	Муסיқа ташкилотларини таъмирлаш ва моддий-техника базасини ривожлантириш тадбирлари	Муסיқа мактаблари	Муסיқа мактаблари	Муסיқа мактаблари/ягона буюртмачи корхона	Муסיқа мактаблари/ягона буюртмачи корхона
18	Бошқа таълим муассасаларини таъмирлаш ва моддий-техника базасини ривожлантириш тадбирлари	Бюджет маблағларини тақсимловчиси	Бюджет маблағларини тақсимловчи	Бюджет маблағларини тақсимловчи/ягона буюртмачи корхона	Бюджет маблағларини тақсимловчи/ягона буюртмачи корхона
19	Олий ўқув юртларини таъмирлаш ва моддий-техника базасини ривожлантириш тадбирлари	Олий ўқув юрти	Олий ўқув юрти	Олий ўқув юрти/ягона буюртмачи корхона	Олий ўқув юрти/ягона буюртмачи корхона
20	Бошқалар	X	шаҳар ҳокимлиги	шаҳар ҳокимлиги	шаҳар ҳокимлиги

Изоҳ:

1. Агар ушбу рўйхатда кўрсатиб ўтилган буюртмачи корхоналар мавжуд бўлмаса, халқ депутатлари Қўқон шаҳар Кенгаши томонидан бошқа буюртмачи корхона белгиланиши мумкин;

2. Ушбу рўйхатда кўрсатиб ўтилмаган лойиҳаларни амалга ошириш бўйича буюртмачиларни белгилаш халқ депутатлари Қўқон шаҳар Кенгаши томонидан амалга оширилади.

Қўқон шаҳар бюджетлари маблағларини
 жамоатчилик фикри асосида
 шакллантирилган тадбирларга
 йўналтириши тартиби тўғрисидаги
 низомга
 б-илова

_____ шаҳар бўйича ўтказилган ташаббусли бюджет жараёни якунларига кўра ғолиб бўлган
 ID _____ лойиҳани амалга ошириш бўйича харид қилинадиган товар (хизматлар)
 Реестри

Минг.сўм

Т/Р	Товар (хизмат) номи	сони	бозор нархи	Суммаси
1				
2				
3				
4				
5				
...				
Лойиҳанинг амалга ошириш жами қиймати*				

*Манзилли рўйхатда назарда тутилган маблағдан ортиб кетиши **мумкин эмас.**